



# მეშახსვე



კომპანიის სიახლეები / ჩვენი თანამშრომლები / სპორტი / ქალაქის აბეები / ფოტოგატიანა



გვ. 2

„საქნახშირსა“ და პროფკავშირს შორის კოლექტიური ხელშეკრულება გაფორმდა!



გვ. 3

ჭუმბურ გაბრიამძე - ისტორია და მოგონებები



გვ. 5

მამუკა ჭიქია: „ჩვენი გუნდი მაღალი დონის პროფესიონალებით არის დაკომპლექტებული და ყველანაირ კვლევას ვაკეთებთ.“



გვ. 7

თყიბულის სპორტის სასახლეში მაგიდის ჩოგბურთის შეჭიბრი გაიმართა

# „საქნახშირსა“ და პროფკავშირს შორის კოლექტიური ხელშეკრულება გაფორმდა!



მურაბ აღდგომელაშვილი („საქნახშირის“ გენერალური დირექტორი):

„28 აპრილს, „საქნახშირსა“ და პროფკავშირის წარმომადგენლებს შორის კოლექტიური ხელშეკრულება გაფორმდა. კომპანიის მენეჯმენტი ყოველთვის მზად არის ჯანსაღი, საქმიანი ურთიერთობებისთვის და დასაქმებულებთან ერთად სამუშაო გარემოს გაუმჯობესებაზე ზრუნვისთვის. ამიტომ, „საქნახშირისთვის“ ეს კიდევ ერთი წინ გადადგმული ნაბიჯია და მოხარული ვარ, რომ მუშაობისა და მოლაპარაკებების შედეგად ხელი მოეწერა კოლექტიური ხელშეკრულება. დარწმუნებული ვარ, პროფკავშირების, დასაქმებულებისა და „საქნახშირის“ ურთიერთ-თანამშრომლობა ნაყოფიერი იქნება. მთავარია, რომ ნაკისრი ვალდებულებები პირნათლად შესრულდეს როგორც კომპანიის მხრიდან, ისე დასაქმებულების მხრიდან.“



თამაზ დოლაბერიძე კოლექტიური ხელშეკრულების მნიშვნელობის შესახებ

28 აპრილს, „საქნახშირის“ ადმინისტრაციის შენობაში, პროფკავშირისა და კომპანიის ადმინისტრაციის წარმომადგენლებმა კოლექტიურ ხელშეკრულებას მოაწერეს ხელი. შეთანხმების მიზანია დამსაქმებლისა და დასაქმებულების ეფექტიანი, ჰარმონიული თანამშრომლობის უზრუნველყოფა, საწარმოო პროცესებისთვის სტაბილური გარემოს შექმნისა და კომპანიის თანამშრომლების სოციალურ-ეკონომიკური მდგომარეობის გაუმჯობესების ხელშეწყობა.

კოლექტიური ხელშეკრულების მიხედვით, პროფკავშირს შეაძვალის როლი ეკისრება. ერთი მხრივ, ის დაიცავს დასაქმებულის წევრი დასაქმებულების ინტერესებს, ხოლო, მეორე მხრივ, ხელს შეუწყობს დამსაქმებელს პროფკავშირის წევრების მობილიზაციაში საწარმოს წინაშე არსებული ამოცანების წარმატებით გადაწყვეტისთვის.

პროფკავშირი ჩართული იქნება კონსულტაციებში ისეთი ორგანიზაციული და სტრუქტურული ცვლილებებისას, რომლებმაც შესაძლებელია არსებითი გავლენა იქონიოს დასაქმებულთა მდგომარეობაზე. ასევე, დამსაქმებელს ხელს შეუწყობს თანამშრომელთა კვალიფიკაციისა და ცნობიერების ამაღლებაში; უზრუნველყოფს, რომ წევრებმა დაიცვან კოლექტიური ხელშეკრულებით ნაკისრი ვალდებულებები. ასეთ შემთხვევაში, თუ კოლექტიური ხელშეკრულება კვარტლის ტერიტორიაზე შეუფერხებლად შესრულდება (არ იქნება დარღვეული პროფკავშირის ან მისი წევრების მხრიდან ხელშეკრულება), პროფკავშირის წევრი დასაქმებულები ყოველი კვარტლის დასრულების შემდეგ მიიღებენ 50 ლარს გადასახადების გარეშე. ყოველი მომდევნო წლის 1 იანვრიდან კი მოხდება პროფკავშირის წევრი დასაქმებულების ხელფასების ინდექსაცია ინფლაციის გამო, საქსტატის ოფიციალურ მონაცემებზე დაყრდნობით.

გარდა ამისა, პროფკავშირებთან თანამშრომლობით, კომპანია შეიმუშავებს სოციალური პასუხისმგებლობის პოლიტიკას. დასაქმებულებისთვის პერიოდულად გაიმართება სპორტულ-გამაჯანსაღებელი, შემეცნებითი და კულტურული ღონისძიებები.

ხელშეკრულება ძალაში 2021 წლის 1 მაისიდან შევა. მას სტაბილური, ჰარმონიული სამუშაო გარემოს შექმნის თვალსაზრისით დიდი მნიშვნელობა აქვს როგორც დასაქმებულებისთვის, ისე კომპანიისთვის.



დღემდე, პირველად მოხერხდა, რომ პროფკავშირს, შრომით კოლექტივსა და კომპანიას შორის ურთიერთობები კოლექტიურ პასუხისმგებლობებს დაექვემდებარება.

საქართველოში 2 668 საწარმოსა და ორგანიზაცია-დაწესებულებაში ფუნქციონირებენ პროფკავშირული ორგანიზაციები და მხოლოდ 250 მათგანს აქვს კოლექტიური ხელშეკრულება დამსაქმებელთან გაფორმებული, მესამეხარისხის, მათ რიცხვს 2021 წლის 28 აპრილიდან ტყიბულის მეშახტეთა პროფესიული კავშირის შეუერთდება - მხარეთა მიერ სწორედ 28 აპრილს დაიდგა კოლექტიურ ხელშეკრულებაზე ხელმოწერების დაფიქსირების ღონისძიება.

მნიშვნელოვანია, რომ კოლექტიური ხელშეკრულება, გარდა სოციალური ბენეფიტებისა, სოციალური შეღავათებისა და სამართლებრივი გარანტიებისა, ასევე შეიცავს პროფკავშირის წევრთა პასუხისმგებლობებს, ანუ

ეს არის ორმხრივად დაბალანსებული შეთანხმება, რომელმაც უნდა უზრუნველყოს დამსაქმებლისა და დასაქმებულების შრომითი ურთიერთობების ჰარმონიზაცია, ანუ კოლექტიური ხელშეკრულების სულიკვეთება ერთი მხრივ მეშახტეთა სოციალურ-ეკონომიკური მდგომარეობის გაუმჯობესებას, ხოლო მეორე მხრივ, საწარმოს სტაბილურ გარემოში მუშაობას ითვალისწინებს.

მნიშვნელოვანია აღინიშნოს, რომ კომპანია იმყოფება საწარმოს სამომავლო გეგმების რეალიზაციის პროცესში, რამაც კომპანიის ბიზნეს-რენტაბელობის უზრუნველყოფა უნდა მოახდინოს, რამაც უნდა გამოიწვიოს დამატებითი საწარმო შესაძლებლობების შექმნა იმისათვის, რომ ტყიბულის მეშახტეთის სამუშაო ადგილი უფრო მყარი და ღირსეული გახდეს, რათა მოიხსნას ყოველგვარი კითხვის ნიშნები ქვანახშირის მოპოვებისა და რეალიზაციის პროცესში არსებულ არამდგრად და მყიფე გარემოსთან დაკავშირებით და მე, როგორც დარგობრივი პროფკავშირის პრეზიდენტი, აღვნიშნავ, რომ ამ ეტაპზე კოლექტიური ხელშეკრულების პროექტით გათვალისწინებული თანხმობები, კომპანიის შესაძლებლობების მაქსიმუმი.

ასევე უნდა აღინიშნოს, რომ კოლექტიური მოლაპარაკებების მთელ პროცესში კომპანიის ხელმძღვანელები კოლექტიური ხელშეკრულების გაფორმების სურვილსა და მზაობას გამოხატავენ, რაც იმაზე მიგვანიშნებს, რომ ამ კომპანიასთან სოციალური დიალოგის ნაირისი მომავალშიც მაღალი იქნება და კომპანიის მიერ შემოთხვეული გეგმების წარმატებით განხორციელების შემდეგ, მომავალში გაფორმებული ყველა კოლექტიური ხელშეკრულება, გაცილებით მაღალი ღირებულებისა იქნება. თუმცა, რასაკვირველია, ჩვენ, ყველამ ერთად - პროფკავშირმა, როგორც ორგანიზაციამ და მეშახტეებმა, როგორც შრომითი პროცესების უშუალო მონაწილეებმა, მაქსიმალური წვლილი უნდა შევიტანოთ კომპანიის გეგმების წარმატებით განხორციელებაში.

კოლექტიური ხელშეკრულებით, გარდა ორმხრივი ვალდებულებებისა, ასევე მაქსიმალურად არის დარეგულირებული სახელფასო სისტემა, ვრცლად არის საუბარი შრომის უსაფრთხოების, სანიტარული მდგომარეობის, შრომის ორგანიზების, მეშახტეთა საჭირო ნივთებითა და მასალებით მომარაგების და სხვა უამრავი საკითხის შესახებ. პროექტი ასევე ითვალისწინებს პროფკავშირის წევრთა ვალდებულებებსაც, რომელთა არ შესრულების შემთხვევაში კომპანია უფლებამოსილია შეაჩეროს კოლექტიური ხელშეკრულებით აღებული ვალდებულებების შესრულება.

კოლექტიური ხელშეკრულება ძალაში შევა მხარეთა მიერ მასზე ხელმოწერის მომენტიდან და იმოქმედებს 1 წლის განმავლობაში, ვადის გასვლის შემდეგ კი მხარეებს შეუძლიათ განიხილონ მასში ცვლილებების შეტანის, ან მის გარეშე ვადის გახანგრძლივების საკითხი.

მნიშვნელოვანია, რომ კოლექტიური ხელშეკრულებით გათვალისწინებული როგორც ბენეფიტები, ასევე პასუხისმგებლობები ავტომატურად გავრცელდება იმ მეშახტეებზე, რომლებიც კოლექტიური ხელშეკრულების გაფორმების მომენტში უკვე არიან პროფკავშირის წევრები, ხოლო მათზე, რომლებიც არ არიან პროფკავშირის წევრები, გავრცელდება პროფკავშირში გაწევრიანების შემდეგ.“

## „ძიძიგურისა“ და „მინდელის“ სახელობის შახტებზე, სასადილოს კერსონალს უნიფორმები დაურიგდა

# ჯუმბერ გაბრიაძე - ისტორია და მოგონებები



ამჯერად უხუცესი, ღვან-ლომოსილი მემახტის ამბავს მოგიყვებით და ჯუმბერ გაბრიაძეს გააცნობთ.

ბატონ ჯუმბერს მშობლიურ სოფელში, ძუყნურში ვესტუმრეთ, სადაც პენსიზე გასვლის შემდეგ გადავიდა საცხოვრებლად. დღემდე იქ ცხოვრობს საყვარელ მეუღლესთან, ნანი ბუბაშვილთან და შვილთან ერთად.

გაბრიაძეების კარ-მიდამოს მზრუნველი მეოჯახის ხელი ეტყობა. ბატონი ჯუმბერი 84 წლის გახლავთ. თავს კარგად გრძნობს, მშობლიურ სახლს უვლის და სასოფლო-სამეურნეო საქმიანობას ეწევა. როგორც თავად აღნიშნავს, თავისი სამყოფი თავისივე ხელით მოჰყავს. ენერგიული, პოზიტიური და სტუმართმოყვარე ადამიანია. ჩვენი მისვლისთვის განსაკუთრებულად მოემზადა - სათუთად შენახული შრომის ნიგნაკი, ძველი ფოტოები, ძველი გაზეთის ფრაგმენტები და საპატიო მემახტის ფორმა გვაჩვენა. თავისი ამბავი ფურცელზე დაგვიჩვენა (რომ მნიშვნელოვანი მოგონებები არ გამოგვჩვენოდა), შემის ფეჩი დაგვიჩვენა და დინჯად დაიწყო თავისი ისტორიის მოყოლა.

ჯუმბერ გაბრიაძე 1937 წლის 11 ივლისს, ტყიბულის რაიონის სოფელ ძუყნურში დაიბადა. მამა ელისი გაბრიაძე მემახტი იყო. ბატონმა ჯუმბერმა დაწყებითი განათლება ძუყნურის სკოლაში მიიღო, შემდეგ სწავლა სანირის საშუალო სკოლაში გააგრძელა და 1957 წელს წარმატებით დაამთავრა. იმავე წელს ჯარში გაიწვიეს. 3 წლის შემდეგ მშობლიურ მხარეს დაუბრუნდა და ოჯახის ტრადიციის გააგრძელა - ბაბუა, მამა და ძმები სამთოელები იყვნენ, თავადაც გადწყვიტა მემახტი გამხდარიყო.

23 წლის ასაკში, უფროსი ძმის, ჭიჭიკოს დახმარებით მუშაობა ტყიბულში, მაშინდელ „სტალინის“ სახელობის შახტში, შესაძლებელი გახდა. თავიდან წმენდითი სანგრევის მუშა იყო. შახტში ოცდათორმეტი წელი იმუშავა და წლების მანძილზე მხოლოდ პოზიციებს იცვლიდა.

სხვადასხვა დროს შახტში დამსახურებული საქმიანობისთვის მრავალი ჯილდო და საჩუქარი მიიღო - ავტომანქანა, ბინა ტყიბულში და საპატიო მემახტის ფორმა, რომელსაც დღემდე დიდი რუქუნებით ინახავს და უვლის.

ბატონ ჯუმბერს სამი შვილი, სამი შვილიშვილი და სამი შვილთაშვილი ჰყავს. ოჯახის ტრადიციის მისმა შვილმა, ელგუჯა გაბრიაძემ გააგრძელა. ის „ძიძიგურის“ შახტში დასაქმებული და წლებია ღირსეული მემახტის სახელს ატარებს.

**ჯუმბერ გაბრიაძე:** „თავიდან მუშაობა ძალიან გამიჭირდა, მაგრამ ვუყურებდი ჩემი თანატოლები როგორ მსუბუქად ასრულებდნენ მათზე დაკისრებულ მოვალეობას და მეც მათ გვერდში მუშაობას მივჩვიე. გადაწყვიტე, სამსახურთან ერთად სწავლაც გამეგრძელებინა და საბუთები ქუთაისის სამთო ტექნიკუმში შევიტანე. გამოცდები წარმატებით ჩავაბარე და მიწინააღმდეგე სამთო საბადოების

დამუშავების სპეციალობაზე ჩავირიცხე. ტექნიკუმში 1965 წელს დავამთავრე.

ამის შემდეგ შახტის ხელმძღვანელობამ ცვლის უფროსად გადამიყვანა, შემდეგ უბნის უფროსის მოადგილედ და 1974 წლიდან N3 უბნის უფროსად ვიმუშავე. შახტზე უბნის უფროსობა ძალიან საპასუხისმგებლო საქმეა და მიზნად დავისახე, ეს საქმე ფრიალზე შემესრულებინა. უბანში ინჟინერ ტექნიკური პერსონალის ჩათვლით 100-110 კაცი მუშაობდა და მე ვიყავი მათზე პასუხისმგებელი - როგორც უსაფრთხოებაზე, ისე ეკონომიკური თვალსაზრისით. ყველა მუშასთან, ინჟინერ-ტექნიკურ პერსონალთან, მათ ოჯახებთან კარგი ურთიერთობა მქონდა, ამიტომ მშრომელი კოლექტივი ჩემი მონოდიების კვალდაკვალ მომყვებოდა და შედეგად სახეზე იყო - სახელმწიფო გეგმას ყოველთვის გადაჭარბებით ვასრულებდით.



1978 წელს, კადრების ცვალებადობის მიზნით, N2 უბანში გადამიყვანეს, სადაც 1983 წლამდე ვიმუშავე. 1983 წლის ნოემბერში N1 უბანში, უბნის უფროსად გადამიყვანეს. ამ პერიოდში უბანი ჩამორჩენილია რიგებში იყო, არ სრულდებოდა სახელმწიფო გეგმა, მცირე იყო მუშის გამოიმუშავება. ამიტომ, მშრომელი კოლექტივი უკმაყოფილო იყო, არადა უბანში გამოცდილი, სამთო საქმეში გამობრძმებული ადამიანები მუშაობდნენ. გვერდში გვედგა შახტის მთავარი ინჟინერი, რომლის მოთხოვნითაც გადამიყვანეს ამ უბანში. უბნის ინჟინერ-ტექნიკური პერსონალის გააზრებული მუშაობით უბანი ძალიან მოწინააღმდეგე რიგებში ჩადგა, ყოველ თვეს ვასრულებდით სახელმწიფო გეგმას. შახტის გარდამავალი ნითელი დროში N1 უბნის საგანიგოში ფრიალდებდა.

უბნის გეგმის გადაჭარბებით შესრულებისთვის, უსაფრთხოების წესების დაცვისთვის, შრომის დისციპლინის განმტკიცებისთვის, მშრომელი კოლექტივის წევრებს შორის თბილი, მეგობრული დამოკიდებულებისთვის, მთავარი ინჟინერის გ.ჭოჭუას გადაწყვეტილებით რიგგარეშე გამომცეს ავტომანქანა „ჟიგული“.

მუშაობის პერიოდში ყოველთვის ვცდილობდი ახა-



ლი ტექნოლოგიები დამენერგა და ახალი რაციონალიზატორული წინადადებები გამომიყვანინა. გამოგონებული და დანერგული მაქვს 40-მდე რაციონალიზატორული წინადადება, რომელთაც გააღვილა მძიმე შრომა, გაზარდა შრომის ნაყოფიერება და დიდი ეკონომია მოუტანა უბანს. ასეთი შემართებით ვიმუშავე 1983 წლიდან 1987 წლის ბოლომდე. 1987 წელს გავიდა დამსაურებელ პენსიაზე. ამიტომ, ჩემი განცხადების საფუძველზე გადამიყვანეს სარემონტო უბანში. იქ 1992 წლამდე ვიმუშავე. შემდეგ გავასწორე ანგარიში და დავბრუნდი ჩემს მშობლიურ სოფელში, სადაც დღემდე ვცხოვრობ მეუღლესთან და უფროს შვილთან ერთად. ვწვევი სასოფლო-სამეურნეო საქმიანობას.“

როგორც უკვე აღვნიშნეთ, ჯუმბერ გაბრიაძის შვილი, ელგუჯა გაბრიაძე ოჯახის ტრადიციას აგრძელებს და ღირსეულად ატარებს მემახტის სახელს. მან „საქნახშირში“ მუშაობა 2000 წელს, დაცვის სამსახურში დაიწყო. შემდეგ „ძიძიგურის“ შახტზე, რემონტის უბანში დასაქმდა და დღემდე აქ მუშაობს.

ელგუჯა გაბრიაძე ტყიბულში დაიბადა და გაიზარდა, დაამთავრა ტყიბულის ინდუსტრიული ტექნიკური ჯარში ნასვლამდე, 1986 წელს ერთი წელი მაშინდელ „სტალინის“ სახელობის შახტზე, მოძრაობის უბნის ელდებოს ელექტრო ზეინკლად იმუშავა. ჰყავს მეუღლე, მადლენა ვერულაშვილი, ორი ვაჟი და სამი შვილიშვილი. ელგუჯა აღნიშნავს, რომ „საქნახშირში“ კარგ კოლექტივში მუშაობს. მოხარულია, რომ სამუშაოდ ქვეყნის გარეთ ნასვლა არ უწევს და მშობლიურ ქალაქშია დასაქმებული, რისთვისაც მადლობას უხდის კომპანიას და მის ხელმძღვანელობას.

**P.S. გაბრიაძეების სახლიდან წამოსვლამდე, ბატონი ჯუმბერის მეუღლეს, ქალბატონ ნანისაც გავესაუბრეთ. მეუღლეზე საუბრისას აღნიშნა - ასეთი ადამიანი ყველა ოჯახს უნდა ჰყავდესო. ჩვენი კიდევ ერთხელ დავრწმუნდით, რომ ბატონი ჯუმბერის სახით მართლაც გამოჩენილი ადამიანი გავიცანით.**




**მარლენ ბახუტაშვილი**

## “საქნახშირი” მწუხარებას გამოთქვამს მარლენ ბახუტაშვილის გარდაცვალების გამო

მარლენ ბახუტაშვილი 1948 წლის 25 იანვარს, ტყიბულში დაიბადა. მან საქართველოს პოლიტექნიკური ინსტიტუტი მარგი ნიალისეულის საბადოთა მიწინააღმდეგე დამუშავების ტექნოლოგიისა და კომპლექსური მექანიზაციის მიმართულებით დაამთავრა. სამთო სფეროში მოღვაწეობა 1964 წელს, მუშის პოზიციაზე დაიწყო და წლების განმავლობაში სხვადასხვა პოზიციაზე იმუშავა. მათ შორის გახლდათ „ძიძიგურის“ სახელობის შახტის დირექტორი, გენერალური დირექტორის მოადგილე წარმოების დარგში, ტექნოლოგიური განყოფილების უფროსის მოადგილე... ბატონი მარლენი 2021 წლამდე სასწავლო პუნქტის შრომის უსაფრთხოების ინსტრუქტორი იყო.

მარლენ ბახუტაშვილი დიდი დანაკარგია როგორც „საქნახშირისთვის“, ისე ჩვენი ქალაქისთვის. კომპანია სამძიმარს უცხადებს მის ოჯახს.

# გაიცანით „საქნახშირის“ სამედიცინო კუნძულის ექთნები!




„საქნახშირში“ ორი სამედიცინო პუნქტი ფუნქციონირებს, „მინდელის“ სახელობის შახტის და „ძიძიგურის“ სახელობის შახტის. თითოეულ მედიკუნქტში 4 ექთანი 24 საათიანი სამუშაო გრაფიკით მუშაობს. მათი მოვალეობა სამუშაო ობიექტზე წასვლამდე მეშახტეების ჯანმრთელობის მდგომარეობის კონტროლი და ალკოჰოლზე შემოწმებაა.

შახტში განსაკუთრებით საპასუხისმგებლო პოზიციაზე დასაქმებულებისთვის - სამთო ოსტატებისთვის, შემანქანებისთვის და ამფეთქებულებისთვის, შემოწმება სავალდებულოა.

გარდა ამისა, ექთნის მოვალეობაა შახტში დაშავებულებისთვის პირველადი სამედიცინო დახმარების გაწევა. ძიძიგურის შახტის მედიკუნქტის ექთნების მოვალეობაში ასევე შედის შახტზე შემსვლელების თერმორსკრინინგი.



შახტის მედიკუნქტებში პროფესიონალი და გამოცდილი მედიკოსები მუშაობენ, რომლებიც უკვე წლებია ბრუნდებიან მეშახტეების ჯანმრთელობაზე. ყოფილია შემთხვევები, რომ შახტის მიმდებარე მცხოვრები მოსახლეობისთვისაც გაუნევიათ პირველადი სამედიცინო დახმარება და მათთვის სიცოცხლე შეუნარჩუნებიათ.



**ნანა ჩენაკოვა** ტყიბულში დაიბადა და გაიზარდა, მეხუთე საშუალო სკოლის დასრულების შემდეგ ტყიბულში არსებული სამედიცინო სასწავლებელი მედიცინის სპეციალობით დაამთავრა. მინდელის სახელობის შახტზე მუშაობდა 2007 წელს ექთნად დაინიშნა და დღემდე აქ საქმიანობს. ჰყავს ერთი შვილი, 23 წლის ივანე ჩენაკოვა, რომელიც ქვა-ნახშირის გამამდიდრებელ ფაბრიკაში ოპერატორად მუშაობს. ნანა გამომცდილი ექთანია, წლებია პირნათლად ასრულებს დაკისრებულ მოვალეობას. მას ბევრჯერ გაუნევიათ სამედიცინო დახმარება შემშახტეებისთვის.

ჩენაკოვების ოჯახის შემოსავლის წყარო „საქნახშირში“ მიღებული ჰონორარია.

**მაია ვერულაშვილი** პროფესიით ექიმი, მან თბილისის სახელმწიფო სამედიცინო უნივერსიტეტი სტომატოლოგიის კვალიფიკაციით დაამთავრა. უმაღლესი სასწავლებლის დასრულების შემდეგ განაგრძობდა რამდენიმე წელი ზესტაფონის სოფლების, შრომასა და კლდეეთის ამბულატორიაში, ასევე ზესტაფონის პოლიკლინიკაში ექიმ-სტომატოლოგად მუშაობდა. შემდეგ 5 წელი ტყიბულის სტომატოლოგიური პოლიკლინიკის სტომატოლოგი იყო.



ქალბატონი მაია „მინდელის“ სახელობის შახტის მედიკუნქტში ექთნად 2014 წლის მარტში დასაქმდა და დღემდე ამ პოზიციაზე მუშაობს. მეუღლე, ტარიელ ქასრაშვილი წლების მანძილზე „საქნახშირში“ სხვადასხვა თანამდებობაზე მუშაობდა, იყო შახტის დირექტორის მოადგილე. ის 2014 წლის 28 იანვარს შახტში უბედური შემთხვევისას დაიღუპა. ჰყავს სამი შვილი.



**მაია მახარბლიძე** თბილისში დაიბადა და გაიზარდა. უმაღლესი განათლება თბილისის სახელმწიფო სამედიცინო ინსტიტუტში მიიღო. სწავლის დასრულებამდე სანიტრად მუშაობდა (სტაჟორად), ვინაიდან, იმ წლებში ინსტიტუტში ჩასარიცხად ეს სავალდებულო იყო. სტუდენტობის პერიოდში რუსუბელიკური სავადმყოფოს ალერგოლოგიურ განყოფილებაში, უმცროს ექთნად იმუშავა.

ქალბატონმა მაიამ სამედიცინო ინსტიტუტი პედიატრიის კვალიფიკაციით დაამთავრა. ის 3 წელი რუსუბელიკურ სავადმყოფოს ფილიალში სასწრაფო სამედიცინო დახმარების ექიმად მუშაობდა. უამრავი სიცოცხლე გადაურჩენია, ყველა სავადმყოფის ტკივილი და განსაცდელი გათავისუფლებული ჰქონდა და სწორედ ამიტომ, პაციენტებსა და თანამშრომლებში დიდი პატივისცემით და სიყვარულით სარგებლობდა. შემდეგ სიყვარულით დაქორწინდა ტყიბულელ გელა ბუბაშვილზე, რომელიც პროფესიით ექიმი-სტომატოლოგი და ფიზიო თერაპევტია. ჰყავთ 4 შვილი, სამი გოგონა და ერთი ვაჟი.

მათი დიდი ოჯახი წლების წინ თბილისიდან ტყიბულში დაბრუნდა საცხოვრებლად. ქალბატონი მაია 4 წელია „მინდელის“ შახტის მედიკუნქტში მუშაობს. მე-

უღლევ „საქნახშირის“ თანამშრომელია.

„ახალი დაწყებული მქონდა მუშაობა რომ 9 მაისს შახტში დიდი ტრაგედია დატრიალდა. 4 შესანიშნავი პიროვნება ტრაგიკულად დაიღუპა. ამ ამბავმა სულით ხორცამდე შემძრა. შემდეგმიც თითქმის ყველა ტრაგედია ჩემს მორიგეობას ემთხვეოდა. ხომ წარმოგიდგინებთ, რამხელა წნეხის ქვეშ ვექცეოდი. სულიერად გავნადგურდი, დავიზაფრე. ერთი აღუწერელი იყო ის დიდი ტკივილი და განცდა, რომელსაც თითოეული მეშახტე გულით ატარებდა. ეს მოგონება ყოველთვის დიდ ტკივილად გაჰყვება ჩემს გულსა და გონებას.

მაღე შახტა ჩემს მეორე, დიდ ოჯახად იქცა. შახტის კოლექტივი კი ჩემი გულისცემაა. ერთად გვიხარია, ერთად გვტკივა, ერთმანეთს ვუზიარებთ სითბოსა და სიყვარულს. სამსახურში მოსვლა მათით მიხარია. მაღლობა ყველას ამ სითბოს გამოჰმულავნებისთვის.

თითოეული მეშახტის სიცოცხლე და ჯანმრთელობა ჩემთვის უმთავრესი და ძვირფასია. ყველა მიყვარს, თითქოს ყველა ახლობელია. ვცდილობ, პატივისცემით მოვეპყრო თითოეულ პიროვნებას, რისთვისაც თავდაც ანალოგიურად მასსუბობენ. „საქნახშირში“ მუშაობის წლებში, აქ გატარებული თითოეული წამი, ყოველთვის მემხსოვრება და დაუვინყვარ ლამაზ მოგონებად დარჩება ჩემს მეხსიერებაში.

დიდ მაღლობას ვუხდი კომპანიას, რადგანაც შახტში მათი მოსვლის შემდეგ მნიშვნელოვნად შეიცვალა ყველაფერი - გამოსწორდა და მკაცრად გაკონტროლდა უსაფრთხოება, დასაქმდა მრავალი მოქალაქე. პანდემიის რთული პირობების და პერიოდის მიუხედავად (რთული დღეები გაიარა საქართველომ), შახტზე ეს თითქმის არ გვიგვრძნია. არ შეჩერებულა მუშაობა, ხელფასების დარიგება. შახტა მუშაობს გამართულად, ხელმძღვანელობის მხრიდან ვგრძობთ გულისხმიერებას, გარკვეული ჩვენი მოთხოვნები დაკმაყოფილდა. მაღლობა ამისთვის კომპანიის ხელმძღვანელებს: მიხაილ სოცკის, ოლეგ როზუმს, ბურაბ ადღომელაშვილს და ყველას, ვინც ამ პერიოდში მეშახტეების გვერდით დგას და იზიარებენ მათ პრობლემებს.

ასევე, მაღლობელი ვართ შახტის სასაბუღალტრო თანამშრომლების, ვინაიდან თავდაუზოგავად, მუხლიაუხრელად, ერთგულად გვემსახურებიან და უგემრიელები საქმელებით გვანებიერებენ.

ვინაიდან პანდემია კვლავ მძვინვარებს ჯანმრთელობას, მშვიდობას, სიკეთეს, ბედნიერებას და სიყვარულს ვუსურვებ ჩემს კოლექტივს, „საქნახშირის“ ყველა თანამშრომელს და სრულიად საქართველოს. გვწამდეს სიყვარულს და ერთობა გადაგვარჩენს. უფალი ჩვენთან იყოს! უსასრულო ღვთის წყალობა არ მოგვკლებოდეს და ყველაფერი კარგად იქნება.

**თამილა მიაქიაშვილი** „მინდელის“ სახელობის შახტის სამედიცინო პუნქტის ერთადერთი თანამშრომელია, რომელიც მრავალი წელია უცვლელად მუშაობს მედიკუნქტში. მას შახტში მუშაობის დიდი გამოცდილება აქვს.



ქალბატონი თამილა ტყიბულის პირველი საშუალო სკოლის დასრულების შემდეგ რუსეთში წავიდა, იქ სწავლობდა და მუშაობდა 6 წლის მანძილზე. დაამთავრა ქალაქ პერმის სამედიცინო სასწავლებელი, საბებიკალოს კვალიფიკაციით. რუსეთიდან 1992-93 წლებში დაბრუნდა, ჩამოვიდა მშობლიურ ტყიბულში და მუშაობდა „მინდელის“ სახელობის შახტის მედიკუნქტში, მედიკუნქტის ექთნად დაინიშნა. დღემდე ამ პოზიციაზე უცვლელად მუშაობს. ჰყავს 2 გოგონა და 1 შვილიშვილი.

გამოცდილმა მედიკოსმა ჩვენთან საუბრისას შახტში მისი მუშაობის 28 წლიანი პერიოდი გაიხსენა. მედიკოსის მოვალეობებზე, მის მიერ განეულ რთულ და საპასუხისმგებლო საქმიანობის შესახებ გვესაუბრა:

„მინდელის“ შახტის მედიკუნქტში 1992 წელს დავინყე მუშაობა და დღემდე აქ ვმუშაობ. ჩვენი უპირველესი მოვალეობაა დაზარალებულზე პირველადი დახმარების ჩატარება. სასწრაფოს მოსვლამდე ტკივილმამყუჩებლის გაკეთება ან სისხლდენის შეჩერება. უშუალოდ მედიკუნქტის მოვალეობაა მეშახტეების ჯანმრთელობის კონტროლი. განსაკუთრებით იმათი, ვისაც პასუხისმგებლობა აქვთ სხვის მიმართ - სამთო ოსტატების, ამფეთქებულების, შემანქანების. ვაკონტროლებთ მათ წნევას, ვამონუმებთ ალკოჰოლზე.

გასული საუკუნის ოთხმოცდაათიან წლებში იყო პერიოდები, რომ საერთოდ ვერ მოდიოდა სასწრაფო დახმარება, ან თუ მოდიოდა 2-3 საათის დაგვიანებით, რადგანაც რაიონის 1 სასწრაფო ემსახურებოდა. სამი საათი კი არა, წამები წყვეტს ყველაფერს, პირველადი დახმარება გადაწყვეტილი ადამიანის სიცოცხლისთვის, ვერ დაადგები დაშავებულს თავზე და ვერ დაელოდები როდის მოვა სასწრაფო. უნდა იმოქმედო და დეზმარო დაშავებულს. არაერთი შემთხვევა ყოფილა და გაგვიწევია პირველადი დახმარება, გამოგვიყვანია მდგომარეობიდან, გადაგვირჩენია სიკვდილს.

ადრე, კომუნისტების დროს, მინისქვეშ მედიკუნქტი იყო მონყობილი, სადაც კეთდებოდა პირველადი დახმარება და მერე ამოჰყავდათ დაშავებული გემოთ მედიკუნქტში. თუ მძიმე მდგომარეობა იყო პირდაპირ გადაჰყავდათ სავადმყოფოში. მაშინ ყველა სმენას მიყვებოდა

შახტში ექთანი, ანუ ერთი ექთანი მუდმივად იყო მინისქვეშა მედიკუნქტში.

მაშინდელ პერიოდში (ოთხმოცდაათიან წლებში) მარტო შახტას კი არ ვემსახურებოდით, მე პირადად, ბევრჯერ მქონია შემთხვევა, რომ შახტის მიმდებარე მცხოვრებ მოსახლეობას წავუყვანივარ დასახმარებლად. სასწრაფო ვერ მოდიოდა დროულად და მე მიწვევდა პირველადი დახმარების განევა. ხშირი იყო შემთხვევები, რომ სასწრაფოს რამდენიმე საათით დაეგვიანა და რომ არ დავხმარებოდი სასწრაფოს, შესაძლოა ვერ გადარჩენილიყო პაციენტი.

მიუხედავად იმისა, რომ რთული და საპასუხისმგებლო საქმიანობა გვქონდა, მაშინ ხელფასი არ იყო დიდი. თავიდან, მუშაობა რომ დავინყე საბჭოთა ფული იყო, შემდეგ კუპონები შემოვიდა და მახსოვს, სადეკრეტო შვებულებაში რომ გავედი 2 მილიონი კუპონი, სადეკრეტო შვებულების თანახმა ტომრით მომიტანეს სახლში. მერე ლარი შემოვიდა და 14 ლარად მექონდა ხელფასი. შემდეგ 35 და 70 ლარი იყო, 140 ლარი რომ გახდა უკვე კარგი ხელფასი იყო. წლების მანძილზე უმჯობესდებოდა ანაზღაურება.

დღეის მდგომარეობით გვაქვს ნორმალური სამუშაო პირობები, შესაბამისი ანაზღაურება. მაღლობელი ვართ კომპანიის რომ შახტა მუშაობს გამართულად და ჩვენს მიმართაც პატივცემით არიან განწყობილები. დღეს უკვე ჩვენი შრომა დაფასებულია ხელმძღვანელობის მხრიდან.

**ნანა გელოვნიშვილი** 2010 წლიდან დღემდე ძიძიგურის სახელობის შახტის მედიკუნქტის ექთანია. ქალბატონმა ნანამ ტყიბულის N1 საშუალო სკოლის დასრულების შემდეგ სწავლა თბილისის N1 სამედიცინო ტექნიკუმში გააგრძელა. ტექნიკუმის დასრულების შემდეგ, 1992 წელს ტყიბულში დაბრუნდა და რამდენიმე თვე სოფელ ხრესილის საექიმო ამბულატორიაში მედიკუნქტის მუშაობდა. შემდეგ ტყიბულის მეხუთე საშუალო სკოლაში ექთნად დაინიშნა მუშაობა, სადაც 18 წელი იმუშავა.



მეუღლე, ზაზა ბარბაქაძე წლებია შახტისსხვადასხვა საპასუხისმგებლო თანამდებობებზე მუშაობს. ამჟამად „ძიძიგურის“ შახტში მეოთხე უბანში მუშაობს ათისთავად. ყავს გოგო და ბიჭი.

ქალბატონ ნანას შახტში საქმიანობის დროს ბევრისთვის გაუნევიათ პირველადი სამედიცინო დახმარება. „მედიკუნქტში ჩემი მორიგეობისას შემოვიყვანეს დაშავებული მეშახტე, რომელსაც ჭრილობა აქონდა ხელზე. გადაჭრილი იყო მყესები. ჭრილობა ისე დავამუშავე სასწრაფომ ქუთაისის კლინიკაში რომ გადაიყვანა ჩემი დამუშავებული ჭრილობის გახსნა აღარც დასჭირდა.“

**მზია ბარბაქაძე** სამედიცინო განათლება რუსეთში მიიღო, 1989 წელს ქალაქ პერმში სამედიცინო ტექნიკუმში მედიკოსის სპეციალობით დაამთავრა. სტუდენტობის პერიოდში მუშაობდა ქალაქ პერმის საავადმყოფოს ლაბორატორიაში და რევის-ტრატურაში. საქართველოში 1992 წელს დაბრუნდა და მუშაობდა მშობლიურ ქალაქში, მაშინდელი ლენინის სახელობის შახტის მედიკუნქტის ექთნად დაინიშნა, როგორც თავად იხსენებს მაშინ ძალიან დატვირთული სამუშაო გრაფიკი იყო, შესაბამისად, მედიკუნქტშიც ბევრი ექთანი იყო დასაქმებული.



ჰყავს 2 გოგონა. ოჯახური მდგომარეობის გამო შახტში რამდენიმე წლით მუშაობა შეწყვიტა, 2007 წელს ისევ დაბრუნდა და დღემდე „ძიძიგურის“ შახტის მედიკუნქტში მუშაობს.

მისი მრავალწლიანი საქმიანობის პერიოდში იყო რთული შემთხვევები და მძიმე დამავებულები, რომელთაც წარმატებით გაუნია პირველადი სამედიცინო დახმარება როგორც პროფესიონალი მედიკოსი.



ძიძიგურის შახტის მედიკუნქტში მუშაობის საექიმო კოლექტივი ექთნის სპეციალობით დაამთავრა. შემდეგ ქუთაისში ისწავლა ფარმაცევტული სასწავლებელი. ის პროფესიით მედიკოსი და ფარმაცევტი. ექთნად მუშაობდა თერაპიის საავადმყოფოში, ასევე ფარმაცევტად ტყიბულში კერძო აფთიაქში. 2017 წლიდან ძიძიგურის შახტის მედიკუნქტის ექთანია. ჰყავს მეუღლე და ერთი გოგონა.

**ნინო ახვლედიანი** ძიძიგურის შახტის მედიკუნქტის ყველაზე ახალი თანამშრომელია, ის მედიკუნქტში 6 თვეა რაც მუშაობს. ქალბატონმა ნინომ საექიმო ქუთაისში დაამთავრა. სასწავლებლის დასრულების შემდეგ 1992 წელს მუშაობდა „მინდელის“ სახელობის შახტის მედიკუნქტში დაინიშნა, სადაც რამდენიმე წელი იმუშავა. გარკვეული პერიოდით მუშაობდა ტყიბულის პოლიკლინიკაში, სამშობიარო სახლში და სტომატოლოგიურ კლინიკაში. 10 წლის მანძილზე იყო ტყიბულის სასწრაფო სამედიცინო დახმარების სამსახურის ექთანი. ჰყავს მეუღლე და ორი შვილი.





ცოტა ხნის წინ, „საქნახშირის“ დამფუძნებლის პაკეტს ქუთაისის კლინიკა ქ შეუერთდა. გაზეთი „მეუახსტე“ დაინტერესდა, კონკრეტულად რა სერვისების მიღება შეუძლიათ პაციენტებს ქ-ში და რამდენად სრულყოფილად არის აღჭურვილი კლინიკა თანამედროვე აპარატურით. აღნიშნული ინფორმაციის მისაღებად კლინიკის დამფუძნებელს, ბატონ მამუკა ჭიქიას ვესტუმრეთ:

**მამუკა ჭიქია:** „ჩვენი კლინიკა 2003 წლის შემოდგომაში გაიხსნა. მისი დამფუძნებლები გახლავართ მე, მირიან ჭიქვილი (ანგიო ქირურგი, აბდომინალური ქირურგი) და ზაზა ლომინაძე (კარდიოლოგი). თავიდან მხოლოდ კარდიოლოგიური განყოფილება და თვალის განყოფილება ფუნქციონებდა, ამხელა არ იყო. წლების განმავლობაში სხვადასხვა მიმართულება დაემატა და მნიშვნელოვნად გაფართოვდა. ჯამში 6000 კვ. მეტრი ფართობია. საოპერაციო ბლოკები მესამე სართულზე გვაქვს. აქედან ორი კარდიო ქირურგიის დარბაზია, ერთი ნეიროქირურგიის, 1 ტრავმატოლოგიის და 3 მეტყლის ღრუს ქირურგიის დარბაზი. დამატებით არის კიდევ 3 დარბაზი თვალის ოპერაციებისთვის. გეგმიური, თვალის და ქუთუთოს ოპერაციები სხვადასხვა დარბაზში კეთდება.“

**განვითარების რა ეტაპები გაიარა კლინიკამ და რომელი მიმართულებები დაგეგმათ?**

ჩვენი გუნდი მაღალი დონის პროფესიონალებით არის დაკომპლექტებული და ყველანაირ კვლევას ვაკეთებთ. განვითარების და განახლების პროცესი მუდმივად მიმდინარეობს. უკვე გვაქვს ოფთალმოლოგია ამბულატორიული კვლევებით, ადგილზეა ყველანაირი აპარატურა, რაც ამ დარგში არსებობს. მაღალ დონეზეა ოფთალმოქირურგია, ჩვენთან თითქმის ყველანაირი ოპერაცია კეთდება. მაღალ დონეზეა ქირურგიის მიმართულება, 2005 წელს დაინერგა ლაპარასკოპიული ქირურგია და ფაქტობრივად, ჩვენ დავხერგეთ პირველებმა (ამ მეთოდით ძალიან მარტივი გახდა პაციენტის რეაბილიტაცია). თავის დროზე გერმანელი სპეციალისტებიც გვყავდა მონვეული. ამის შემდეგ განვითარეთ კარდიოლოგია, ინტერვენციული კარდიოლოგია (გულ-სისხლძარღვთა სტენტირება). 10 წელია მუშაობს ნეიროქირურგიაც. 3 წელია რაც ჩვენთან კარდიოქირურგიული ოპერაციები წარმატებით კეთდება.“

**რას გვეტყვი თანამედროვე აპარატურაზე, რამდენად სრულად არის აღჭურვილი კლინიკა?**

გვაქვს კომპიუტერული ტომოგრაფია, ექოსკოპიის აპარატები, დიდი ხანია ვაკეთებთ კარდიოქოსკოპიასაც. საკმაოდ დიდი მომართვიანობა გვაქვს და ამიტომ მეორეც აპარატები დავამატეთ. 2020 წელს კომპიუტერული ტომოგრაფიის სულ ახალი აპარატი შევიძინეთ („სენეგალ ელექტრიკის“ ბრენდის). ასევე გვაქვს „ჯენერალ ელექტრიკის“ მაგნიტური რეზონანსის აპარატი. გვაქვს სრულყოფილი ლაბორატორია, 24 საათიანი რეჟიმში მუშაობს და თითქმის ყველა ანალიზი კეთდება.“

გახსნის დღიდან დღემდე მაღალ დონეზე განვითარდა კარდიოლოგია და კარდიოქირურგია. ვეებერთელა განყოფილება გვაქვს, სადაც ყველანაირი კვლევა და შესაბამისი მკურნალობა ტარდება. კარდიოლოგიის განყოფილებაში 24 საწოლია, კარდიორეანიმაციის 12 საწოლი, ინტენსიურ კარდიოლოგიაში 4 საწოლი. გვაქვს კატლაპის აპარატი.“

**როგორ ფიქრობთ, რამ განაპირობა თქვენი კლინიკის წარმატება?**

ეს კლინიკა ექიმების მიერ არის შექმნილი. ჩვენ აქცენტი არ გვქონია მოგებაზე. ამ წლების განმავლობაში, ფაქტობრივად, მოგების გარეშე ვიმუშავეთ. ყველანაირი შემოსავალს განვითარებდას ვახმარდით. ჩვენ რომ ეს საქმე დავიწყეთ, ქუთაისში კერძო კლინიკა არ არსებობდა. ამხელა ფართზე, რაც ახლა გვიკავია, პრეტენზიაც არ გვქონდა. პრაქტიკულად, ძალიან მცირედით დავიწყეთ და წლების განმავლობაში მოვედით აქამდე.“

**არის რაიმე მომსახურება, რასაც ჯერ ვერ აკეთებთ?**

არის შემთხვევები როცა პაციენტებს სხვაგან ვაგზავნი, მაგრამ ძირითადად, ჩვენს კლინიკაში ყველაფერი კეთდება. ყველაზე მძიმე ოფთალმოლოგიური პაციენტები, რა თქმა უნდა, ჩვენთან მოდიან. ამჟამად

# მამუკა ჭიქია: „ჩვენი გუნდი მაღალი დონის პროფესიონალებით არის დაკომპლექტებული და ყველანაირ კვლევას ვაკეთებთ“

კლინიკაში ყველაფერი გვაქვს და ყველანაირ კვლევას ვაკეთებთ. თუმცა, მედიცინა ისეთი საკითხია, განახლება სულ სჭირდება, თანამედროვეობას ფეხი უნდა აუწყო. ამ მიზნის ვცვლით და ვახსლებთ ხოლმე აპარატურას.“

ჩვენ მეორე კლინიკაც გავხსენით, „ქ და კომპანია“ ჰქვია. ტუბ დისპანსერის ადგილას გაიხსნა. იქ მაშინ საშინელი მდგომარეობა იყო. 3 წლის წინ ავაშენეთ ახალი შენობა, ძველი შენობა სულ დავშალეთ და ხელმეორედ გავაკეთეთ. ახლა იქ კოვიდ პაციენტები წვანან.“

**პროფესიონალებით დაკომპლექტებული გუნდი ახსენეთ... მოგვიყვით თქვენი ექიმების შესახებ.**

ვინც ჩვენთან მუშაობს, ყველას რუსეთში ან ევროპაში აქვს მიღებული განათლება. მაგალითად, მირიან ჭიქვილი, რომელიც ექიმების ოჯახიდან გახლავთ. მამამისი ცნობილი ნეიროქირურგი, ანრი ჭიქვილი იყო, მთელი საქართველო იცნობდა. დედამისი ცნობილი ჰემატოლოგია. ასევე აღვნიშნავ გოგიტა აბულაძეს, ნერვოლოგს. რიგები აქვს იმდენი პაციენტი ჰყავს. ჩვენთან ძალიან კარგი და ცნობილი კარდიოქირურგები მუშაობენ. ერთ-ერთია ლევან ფუჩია, ძალიან კარგი სპეციალისტი; ლევან ქარაზანაშვილი, რომელიც იტალიაში მუშაობდა და ძალიან ცნობილი კარდიოლოგია. თავიდანვე მან დაიწყო ჩვენთან ოპერაციები. ადგილზე ყოველთვის გვყავს ორი ქირურგი.“

მინდა გამოვყო ჩვენი ახალგაზრდა ქირურგები: გიორგი კუხიანიძე, გიორგი ხაჭაპურიძე და გიორგი ფრუიძე. ძალიან პერსპექტიულები არიან. ოფთალმოლოგიის მიმართულებით ჩემი შვილი მუშაობს. ფაქტობრივად ის აკეთებს ყველა ოპერაციას. მინდა აღვნიშნო, რომ ბოლო დროს, ჩვენთან ოფთალმოლოგია ძალიან განვითარდა. განაკვეთის გარეშე, ფაკულტული ფაკულიტით კეთდება თვალის ოპერაციები. ყოფილა შემთხვევები, რომ ადამიანს ფაქტობრივად მხედველობა არ ჰქონია და აღგვიდგენია.“

უკვე 5 წელია ქ-ში მუშაობს ირაკლი ხაბეიშვილი. განათლება საზღვარგარეთ მიიღო, ლიცენზია აიღო და ამ პატარა ასაკში, ცნობილი ექიმი გახდა. ირაკლი ტრავმატოლოგია, ურთულეს ოპერაციებს აკეთებს, რომელიც ძალიან ბევრ ადგილას ვერ კეთდება.“

**რა ღონისძიებები ტარდება პერსონალის გადამზადებისა და კვალიფიკაციის ამაღლების მიზნით?**

ამჟამად კლინიკაში 12 კვლევა მიმდინარეობს. ცალკე გვაქვს კაბინეტი, სადაც სამი ადამიანი მუშაობს ამ კვლევებზე. ფაქტობრივად, ყველა დარგში მიმდინარეობს საერთაშორისო კვლევა - რეანიმაციის, ნეიროქირურგიის, თვალის, კარდიოლოგიის და ქირურგიის მიმართულებით. წელიწადში 2-3 საერთაშორისო კონფერენცია ტარდება რომელშიც ჩვენი ექიმები მონაწილეობენ. გარდა ამისა, ყოველთვიურად, ყველა დარგი მოხსენებას აკეთებს. ვმონაწილეობთ ადგილობრივ ღონისძიებებშიც. გვაქვს საკონფერენციო დარბაზი, ვინვეთ ნამყვან სპეციალისტებს, რომ გადამზადება ჩავუტაროთ ექთნებს და სანიტრებს. გარდა ამისა, ჩვენი ექიმები დადიან ერთვით, ორთვით კურსებზე. დაკავშირებულები ვართ თბილისის სახელმწიფო სამედიცინო უნივერსიტეტთან და ახალგაზრდები ჩვენთან გადიან კვალიფიკაციას.“



**ირაკლი ხაბეიშვილი:** „ალბათ, ყველა ადამიანს უნდა რომ რაღაც კარგი გააკეთოს, ვინმეს დაეხმაროს და რომელ სფეროსთანაც ახლოს არის, იმ სფეროში უნევეს თავის სურვილებს რეალიზებას. ასე მოხდა ჩემს შემთხვევაშიც. მამის გავლენა, რა თქმა უნდა, დიდი იყო და ტრავმატოლოგიას გავყვი. ძალიან სასიამოვნოა ადამიანს რომ ეხმარები. რთული და მარტივი ოპერაციები არ არსებობს. ყველა ოპერაციას სერიოზული მიდგომა სჭირდება. მომართვიანობა დიდა და ალბათ ვაკეთებთ საქმეს ისე, რომ თქვენც დაინტერესდით. პირველ რიგში, ეს არის ოჯახის, მასწავლებლების, უნივერსიტეტის დამსახურება. ბატონი მამუკა გვაძლევს შესაძლებლობას რომ საქმე ვაკეთოთ. როგორც ცოდნაც არ უნდა გქონდეს, საჭიროა შესაბამისი აპარატურა, რესურსი, რომ ეს ცოდნა პრაქტიკაში გამოიყენო.“



## ტყიბულში, ცენტრალური საავტომობილო გზის სარეაბილიტაციო სამუშაოები განახლდა

საქართველოს საავტომობილო გზების დაკვეთით რეაბილიტაცია უტარდება ქალაქის ცენტრალური საავტომობილო გზის 5 კმ-იან მონაკვეთს. ტყვარჩელი-რუსთაველი-გამსახურდიას ქუჩებზე სრულად იცვლება ასფალტო-ბეტონის საფარი, ბორღიურები, მთელ პერიმეტრზე კეთილმოეწყობა ტროტუარები, მოხდება გზის ჰორიზონტალური მონიშვნა და დაიდგება თანამედროვე ტიპის მოძრაობის მარეგულირებელი ნიშნები.



## ტყიბულში მრავალბინიანი საცხოვრებელი სახლების ფასადების რეაბილიტაცია დაიწყო



ფასადების სარეაბილიტაციო სამუშაოები, რეგიონებში განსახორციელებელი პროექტების ფონდიდან ფინანსდება და მისი ღირებულება 962 806 ლარს შეადგენს. პროექტის მიმდინარეობით ტყიბულის მუნიციპალიტეტის მერი, თემურ ჩუბინიძე დაინტერესდა, რომელიც არსებულ სამუშაოებს ადგილზე გაეცნო. პროექტის ფარგლებში განსაზღვრულია 9 მრავალბინიანი საცხოვრებელი სახლის ფასადის მოწესრიგება რუსთაველის, ახობაძის და გელათის ქუჩებზე. სამუშაოებს შპს „თ.ბ.კაპიტალი“ აწარმოებს.



## ახალი მე-4 საბავშვო ბაღის მშენებლობა დასრულდა

ახალი საბავშვო ბაგა-ბაღი ყოფილი მე-4 ბაღის ტერიტორიაზე აშენდა. 50 ბავშვზე გათვლილი ორსართულიანი სკოლამდელი აღზრდის დაწესებულების მშენებლობისთვის, მუნიციპალური განვითარების ფონდიდან 739 200 ლარი გამოიყო.

საბავშვო ბაღში მოეწყო სათამაშო, სასადილო და საძინებელი ოთახები, დამონტაჟდა ცენტრალური გათბობა, აღიჭურვა ახალი ინვენტარით. შენობა და მიმდებარე ტერიტორია ადაპტირებულია განსაკუთრებული საჭიროების მქონე პირთათვის. პროექტის ფარგლებში განხორციელდა ეზოს კეთილმოწყობაც.

ამჟამად სასწავლო-სააღმზრდელო პროცესი თანამედროვე, კომფორტულ გარემოში მიმდინარეობს.



## პროფკავშირებისა და „სახალხო აფთიაქის“ ერთობლივი ინიციატივა



ტყიბულის მემსახურთა პირველადი პროფესიული კავშირისა და „სახალხო აფთიაქის“ ინიციატივით, მემსახურებს ფასდაკლების ბარათები გადაეცათ.

ამიერიდან, ბარათის მფლობელი მემსახურები „სახალხო აფთიაქში“ 25 პროცენტთან ფასდაკლებას მიიღებენ.

## დათო ტურაშვილი ტყიბულში ახალგაზრდებს შეხვდა



ტყიბულში სტუმრად მწერალი დათო ტურაშვილი იმყოფებოდა. ბატონი დათო ტყიბულის რაიონის განვითარების ფონდის „მედია ნიგნიერების“ პროექტის მონაწილე ახალგაზრდებს შეხვდა და სხვადასხვა საინტერესო საკითხზე ესაუბრა.

ორგანიზაციის ინფორმაციით, ტყიბულის რაიონის განვითარების ფონდი (TDDF) ჩეხური არაკომერციული ორგანიზაცია „ფიფლ იზ ნიდ (PIN)“ მხარდაჭერით ახალგაზრდებისთვის ახორციელებს პროექტს „დემოკრატიის გაძლიერება მედია ნიგნიერების აშაღლებით.“

პროექტის მიზანია ახალგაზრდებში გაიზარდოს მედია ნიგნიერების უნარები და კრიტიკული აზროვნება, რათა მათ შეძლონ საკუთარ თემში დემოკრატიული პროცესების განვითარების აქტიური ხელშეწყობა.

15 აპრილს, შეხვედრის თემა იყო პროპაგანდა, საზოგადოებრივ აზრზე ზემოქმედება. შეხვედრა აქტიური კითხვა-პასუხის რეჟიმში წარიმართა. ამავე დღეს, ტყიბულის რაიონის განვითარების ფონდს PIN-ის აღმოსავლეთ ევროპის რეგიონული დირექტორი პეტრ დრბოშლაჟი, მედიანიგნიერების პროექტის მენეჯერი ანა ქოჩუა-ჩახაია და სხვა წარმომადგენლებიც ესწრებენ.

პროექტი მედია ნიგნიერების თემაზე დოკუმენტური ფილმების ჩვენებას, დისკუსიების წარმართვას ითვალისწინებს და ეფუძნება ფართოდ გავრცელებულ საგანმანათლებლო პროგრამას „ერთი სამყარო სკოლებში“, რომელიც PEOPLE IN NEED-ის მიერ ჩეხეთში 2003 წლიდან ხორციელდება. ასევე, პროექტის ფარგლებში მოხდება მედია ნიგნიერების საკითხებში სფეროს ექსპერტებისა და სხვადასხვა მედია ორგანიზაციების წარმომადგენლების მონაწილეობა. ისინი ახალგაზრდებს დამოუკიდებელი მედიის საქმიანობის, ახალი ამბების მომზადების პროცესის, ჟურნალისტიკის, ინტერნეტ უსაფრთხოებისა და სხვა, მათთვის საინტერესო საკითხების შესახებ გაუზიარებენ ინფორმაციას.

პროექტი დაფინანსებულია ჩეხეთის საგარეო საქმეთა სამინისტროსა და USAID-ის მიერ.



# ტყიბულის „მეუახსე“ ნორჩი ფეხბურთელების წარმატება!

ტყიბულის „მეუახსე“ ნორჩმა ფეხბურთელებმა, რომელთა უმრავლესობაც მეუახსეთა ოჯახებიდან არის, მონაწილეობა მიიღეს საქართველოს ფეხბურთის ფედერაციის ეგიდით გამართულ 2020-21 წლის იმერეთის ღია ჩემპიონატში, სადაც 16 გუნდი მონაწილეობდა.

გუნდები დაყოფილი იყო ორ ქვეჯგუფად. ტყიბულელმა ჯაბუკებმა, რომლებიც განთესილი იყვნენ „ა“ ჯგუფში, ჩატარებული 7 შეხვედრიდან 5 მოიგეს და 2 ფრედ დაასრულეს, რითაც ჯგუფში პირველი ადგილი დაიკავეს. „ბ“ ჯგუფის გამარჯვებული გახდა ქ.ქუთაისის საფეხბურთო სკოლა „მართვეს“ უძლიერესი გუნდი.

ფინალური მატჩი ტყიბულელ და ქუთაისელ ფეხბურთელებს შორის ნეიტრალურ მოედანზე, ქ.მესტიანში გაიმართა, სადაც უმელავათო ბრძოლაში ქუთაისელებმა იმარჯვეს, ხოლო ტყიბულელმა ჯაბუკებმა მეორე ადგილი დაიკავეს, დაეუფლნენ მესაბამის თასს, ვერცხლის მედლებსა და სიგელებს, რაც უდაოდ დიდ წარმატებად უნდა ჩაითვალოს. გუნდი იმერეთის ფეხბურთის ფედერაციის პრეზიდენტმა, ბატონმა დავით რუხაძემ დააჯილდოვა.

ტყიბულელთა გუნდის ღირსებას იცავდნენ: ლუკა ნამჩევაძე, დათო ჭიჭინაძე, გიორგი არაბიძე, საბა კურტანიძე, სანდრო ბრეგაძე, ლუკა ქათამაძე, გოგა გაბრიაძე.

გიორგი ბუბაშვილი, ლუკა ფურცხვანიძე, ნიკოლოზ ამყოლაძე, თორნიკე ცირეკიძე, ნიკა ჭანტურიძე, ანდრია აბესაძე, გოგა ქათამაძე, ლუკა ქაშიბაძე, გიორგი სოფრომაძე, ნიკა ლომთაძე და დათო დავითაია.

გუნდი შეჯიბრებისთვის მოამზადა ახალგაზრდა მწვრთნელმა, გიგა მალაფერიძემ და გია ქარქაშაძემ, რომელსაც წლების მანძილზე მრავალი ტყიბულელი ფეხბურთელი გაუზრდია, როგორც „მეუახსესთვის“, ასევე უფრო მაღალი რანგის გუნდებისთვის.



„საქნახშირი“ ულოცავს ახალგაზრდა ფეხბურთელებს და მათ მწვრთნელებს ამ წარმატებას და კიდევ უფრო დიდ წინსვლას უსურვებს!

## ტყიბულელმა მოკრივეებმა საქართველოს ჩემპიონატი ოქროსა და ბრინჯაოს მედლით დაასრულეს!

საქართველოს პირველობა მოსწავლე მოკრივეთა შორის ფოთში 14 - 18 აპრილს მიმდინარეობდა. შეჯიბრში მონაწილეობდა, ტყიბულის მუნიციპალიტეტის სპორტული ცენტრის მოკრივეთა გუნდიც. შედეგები კი შემდეგნაირად გადანაწილდა:

პირველი ადგილი და საქართველოს ჩემპიონი 80 კგ. წონით კატეგორიაში - მურაბ ობოლაძე. მწვთნელი: გია დვალი.

მესამე ადგილი და ბრინჯაოს მედალი 57 კგ. წონით კატეგორიაში - ნიკა ბარბაქაძე მწვთნელი: ვარლამ კობახიძე.

მურაბ ობოლაძე საქართველოს ნაკრებში აიყვანეს. საქართველოს მოსწავლეთა ნაკრები მონაწილეობას მიიღებს 2021 წლის ევროპის ჩემპიონატზეც, რომელიც აგვისტოში გაიმართება.

„საქნახშირი“ ულოცავს გამარჯვებულებსა და მათ მწვთნელებს ამ დიდ წარმატებას.



## „საქნახშირის“ ორგანიზებით ტყიბულის სკორტის სასახლეში მაგიდის ჩოგბურთის შეჯიბრი გაიმართა

თამაში წრიული სისტემით მიმდინარეობდა და მასში 12 მეუახსე მონაწილეობდა. შეჯიბრის ბოლოს გამარჯვებულები გამოვლინდნენ რომლებსაც სიგელები და პრიზები გადაეცათ.

პირველი ადგილის მფლობელი პაატა ჩაფიჩაძე გახდა. მას გადაეცა ფულადი პრიზი (500 ლარი).

მეორე ადგილზე იური ჯანელიძე გავიდა (გადაეცა 300 ლარი).

მესამე ადგილის მფლობელი კი ერეკლე მესხი გახდა (გადაეცა 200 ლარი).

მეოთხე ადგილზე გავა ისაკაძე, ხოლო მეხუთე ადგილზე კი რუსლან კაკუშაძე გავიდნენ. კომპანიამ მცირე საჩუქრები მათაც გადასცა.

ტურნირს ესწრებოდნენ „საქნახშირის“ დირექტორთა საბჭოს თავმჯდომარე მიხაილ სოცკი, „საქნახშირის“ გენერალური დირექტორი მურაბ ადღომელაშვილი და მთავარი ინჟინერი, ალექსანდრ ლოვინი.

გამარჯვებულებს სიგელები და ფულადი პრიზები კომპანიის გენერალურმა დირექტორმა, მურაბ ადღომელაშვილმა გადასცა.



## წიგნის მოყვარულთა კლუბი

გაიყვანით ჩვენი ახალი წევრები!



### საყვარელი წიგნი: დათო ტურაშვილის „ჯინსების თაობა“

წიგნი მოგვითხრობს მეტად საინტერესო, ნამდვილი ისტორიას და მომინოდებს იმისკენ, რომ ვიყო მებრძოლი და ძლიერი ახალგაზრდა. ამ წიგნში ჩემი მისაბაძი პერსონაჟია გეგა, რომელიც საკუთარი და არა მხოლოდ საკუთარი თავისუფლებისთვის, მზდაა ყველას და ყველაფერს დაუპირისპირდეს. ამის მაგალითია მისი ამბოხება საბჭოთა ხელისუფლების წინააღმდეგ.

დათო ტურაშვილი წიგნით იტერაქტს „წყლის საიდუმლოც.“ ჩემთვის მნიშვნელოვანია გავეცნო ბევრ წიგნს და დიდი პატივია „საქნახშირში“ „წიგნის მოყვარულთა კლუბის“ წევრობა. მოტივირებული ვარ, რომ ავიმადლო ცოდნა საქნახშირის „წიგნის მოყვარულთა კლუბში.“



### საყვარელი წიგნი: „ბრძნული აზრების საგანძური“

ადამიანის ცხოვრებაში ბრძნული აზრები დიდ როლს თამაშობს. ბრძნული აზრი გეხმარება ნებისმიერ საქმიანობაში, სწორი გადაწყვეტილებების მიღებაში და მაქსიმალურად უწყობს ხელს ჩვენს პიროვნულ ჩამოყალიბებას. მომწონს სოკრატე და მისი გამონათქვამები, იმიტომ, რომ ადამიანის სულიერ დამოკიდებულებებს ძალიან კარგად აღწერს. ჩემს თანატოლებს ვუჩვენებ ნაიკითხონ „ვარდისფერი ქალბატონი“, „ბრძნული აზრების საგანძური“, „საოცრება“, „თეთრი ბაირალები“, „მე ვხედავ მგეს.“

### საყვარელი წიგნი: ლიპინკოტი რეიჩელის „ორი ნაბიჯი შენამდე“

წიგნში ძალიან კარგადაა გადმოცემული დამოკიდებულებები და ურთიერთობები ადამიანებს შორის. ის თავიდან ბოლომდე სიკეთეს მოგვითხრობს და სენსაციური დასასრულიც მხოლოდ სიკეთეს უკავშირდება. სწორედ სიკეთის უამრავი მაგალითი ხდის წიგნს საინტერესოს. განსაკუთრებით მომწონს სტელა. ვფიქრობ, თავისი ხასიათითა და ბუნებით განსაკუთრებულად მგავს. გარდა ამისა, ვთვლი, რომ ძალიან გულწრფელი და ნიჭიერი, ამასთანავე კეთილი.

გარდა ამისა, ყველას ვურჩევ ნაიკითხონ ქართული ლიტერატურა, რადგან ჩვენ ყველაზე ნიჭიერი მწერლები გვყავს და გვყავდა. განსაკუთრებულად მომწონს ნოდარ დუმბაძე და მისი ნაწარმოებები.

„წიგნის მოყვარულთა კლუბში“ წიგნის მოყვარულების ადგილია, რატომაც არა, ეს ნამდვილად არაა ხელიდან გასაშვები შანსი!



### საყვარელი წიგნი: შარლოტა ბრონტეს „ჯეინ ეარი“

ნაწარმოების მთავარი გმირის სახით კარგადაა წარმოდგენილი უსამართლობის და ძალადობის წინააღმდეგ პროტესტი. გარდა ამისა, მწერალმა რომანში ბევრი ავტობიოგრაფიული ელემენტიც ჩააქსოვა.

განსაკუთრებით მომწონს თავად ჯეინ ეარი. ის იყო ობოლი, თუმცა იყო ქალი მგზნებარე იდეებით და გამჭრიახი გონებით, თავისუფალი ადამიანი, დამოუკიდებელი ნებისყოფით, რასაც ამყავდა უსვამს ხაზს როჩესტერთან. ჯეინ ეარი განსხვავდებოდა ვიქტორიანული ეპოქისათვის დამახასიათებელი დამყოლი და მორჩილი ქალისგან.


ყველას ვურჩევ ნაიკითხონ შარლოტა ბრონტეს „ჯეინ ეარი“, ოსკარ უაილდის „დორიან გრეის პორტრეტი“, ასევე ფიოდორ დოსტოევსკის „დანაშაული და სასჯელი.“



# ფოტოგატიანი



**“დიდიგურის” (ყოფილი “ლენინის”) სახელობის შახტის მეშახტეები:**  
 მარცხნიდან პირველი, ნოდარი ბახუტაშვილი, ამირან ქოქოსაძე, ჟორა ჩუბინიძე, ზაურ ტოტოჩია.  
 ფოტო წიგნიდან „საბჭოთა საქართველო“ 1977 წელი.  
 ნოდარი ბახუტაშვილის შვილი ამჟამად ტყიბულის სამთო მაშველის სამსახურში მუშაობს.  
 ამირან ქოქოსაძის შვილი, იულონ ქოქოსაძე „მინდელის“ სახელობის შახტზეა დასაქმებული.



ტყიბულის მხარეთმცოდნეობის მუზეუმის ფოტოები